



Universitätsbibliothek Paderborn

Lignvm Vitae, Ornamentum, & Decus Ecclesiae

In Qvinque Libros Divisvm. In quibus, Totius Sanctiss. Religionis Divi Benedicti initia; Viri Dignitate, Doctrina, Sanctitate, ac Principatu clari describuntur: & Fructus qui per eos S. R. E. accesserunt, fuissimè explicantur

Wion, Arnold

Venetiis, 1595

S. Ratherius Episcopus, hæresis Antropomorphitarum exstirpator, & co[n]tra eande[m] scriptor. cap. LXXVIII.

urn:nbn:de:hbz:466:1-38397

Christi male senserit: qui liber nondum, quod sciam excusus est. Claruit sub Henrico Claudio Imperatore, anno Domini millesimo vigesimo. Tritemius de vir. ill. ord. S. Ben. lib. 2. c. 74. & de script. eccl. Sigebertus de script. eccl. c. 145. Volaterranus Anthropologia, lib. 20. D. Augustinus Florent. parte 2. hist. Camald. lib. 5. c. 15. & alij infiniti.

S. RATHERIVS EPISCOPVS:
Hæresis Anthropomorphitarum extirpator, &
contra eandem scriptor.

qui

Ad iustitiam erudiuit multos. Dan. 12. Cap. LXXVIII.



VAM anno Domini 400. Sozomenus lib. 8. c. 11. exortam refert, Anthropomorphitarum hæresim repullulantem, dicentium Deum esse corpus, & habere humanam formam, maximo Ecclesie incremento sua eruditione & scriptis repressit S. Ratherius, qui Episcopi habitu liberum oclusum sinistra tenentis, ipsi B. Guidoni est quam proximus. Hic vitam monasticam in monasterio Laubiensi in Belgio iuxta Burchium, sub institutis Diui Benedicti, & congregatione Luxouensis professus, diuinarum scripturarum scientia maxime excelluit, & sanctitate morum suo tempore non mediocriter resplenduit: quibus mediantibus ad Episcopatus Veronensem primum, Leodiensem deinde, euectus, quorundam inuidorum perfidia, qui eius doctrinæ & sanctitati inuidebant, ab illa bis, ab ista vero semel, solido deturbatus, ad monasteriū suū redire coactus est, unde prouerbium, *Veronæ Præsul, sed ter Ratherius exul.*

Scripta quibus Sacrosanctam Ecclesiam iuuat, præcipua hæc feruntur,
Contra Anthropomorphitas, lib. 1.

De corpore & Sanguine Domini, eodem quo Paschasius spiritus, librum insignem secundus edidit, in quo corporalem Domini personam in sacramento altaris, veramque sanguinis substantiam, centum & amplius annis, antequam tanti sacramenti ueritas a Berengario in dubium reuocaretur, euidentissimis argumentis adelle demonstrauit. Agonisticon, id est, Præloquiorum, lib. 6.

De prædestinatione, lib. 2. Confessionum, lib. 1.
De vita S. Ursuarii Episcopi, lib. 1. qui est MS. Laubiensis, & alibi excusus uero apud Suriū maiori ex parte To. 2. die 18. Apr. Cum

Cum ab Episcopatu Veronensi pelleretur scripsit librum, in quo facta satis urbanitate deplorat ærumnas suas.

In secundo exilio alium composuit, Phrænesim prænotatum.

Tertium quoque exilium ornare voluit libro prænotato, Inefficax garritus. Miraculorum tandem gloria clarus, obiit in monasterio suo anno 974. & ibidem sepultus est. Sigebertus in chronico Tritemius de vir. ill. ord. S. Ben. lib. 2. cap. 57. & de script. eccles. alijsque penè infiniti.

S. BERNARDVS ABBAS:

qui

Schisma in sancta Ecclesia, mirificè remouit: & eiusdem S. Ecclesiæ contra inimicos suos pro pugnator acerrimus fuit.

scriptum est enim:

Non sint in vobis Schismata. 1. Cor. I.

Cap. LXXIX.



VINTO loco, in Pontificio habitu, cuius dextra, Hostiæ sacrosanctæ figura adornatur, S. Bernardus Clareuallensis ex Cisterciensium instituto Abbas, conspicitur: qui natione Burgundus, patria Fôtanus, nobilibus parentibus ortus, Cisterciensem ordinem anno ætatis suæ 22. Christi Domini 1113. Ordinis conditi vero 15. ingressus, cum socijs amplius quam triginta sub Stephano Abbate, & biennio post ab eodem Abbate, Fratibus monasterii Clareuallis Abbas præfectus, quod conuicium est in territorio Lingonensi, non longe à fluuio Alba, toto vitæ suæ tempore, tantis Ecclesiam uniuersam virtutibus decorauit, monasterijs & monachis ditauit, beneficijsque cumulanit & auxit, ut uix æstimari possint. Petrum enim Abailardum in Concilio Senonensi; Gilbertum Porretanum, in Rhemenfi; Henricumque, hereticos, qui Galliam uniuersam suis dogmatibus inficiebant, cum iam vix esset, qui doctrinæ eorum atque eloquentiæ resistere posset, solus ipse conuicit, fudit, fugauit, ac repressit, Franci-

Z Z z 3 que